

神天永緝然于純嘏風翔府上清太平宮明
聖係德真君可特加明聖應感儲慶保德真
君

明聖保德傳卷下

廬山太平興國宮採訪真君事實序 陸四
夢當時使者之語以謂後五百年福及生靈
以曆考之自開元辛未距今行及五百年矣
元宗皇帝建祠以事而使者之名顯國朝累
聖宗奉神宗皇帝虔進聖號徽宗皇帝加上
寶冊而使者之位益重祀典益崇禮意益至
殊祥異貺影從響答其在斯歟義問來九江
適太守大卿胡公紡以清靜理郡政民神協
從甲戌春舉行舊典以義問攝祀事于太平
興國宮禮畢因觀山川之勝穹隆磅礴層見
疊出不可名狀是宜高真之所慎擇也官之
道士有向師尚者清修自持且有心於闡宗
立教以使者應化之迹泯泯未傳求義問編
次義問不敢以鄙陋辭謹列于左方紹興二
十四年中元左朝奉郎通判江州軍州事兼
管內勸農營田事賜緋魚袋葉某謹序

廬山太平興國宮採訪真君事實卷之一
分真初始類

考原

謹按

太上三天正法經云九天真王與元始天王
俱生始炁之先天炁未明鬱結未澄混沌太
虛浩瀚流冥七千餘劫元景始分九炁摩存
相去九萬九千九百九十歲有重君法開時
既有一炁相去九萬九千九百九十歲
十九百九十里為一歲清炁高澄濁炁下布
九天真王元始天王稟自然之炁故稱九天
之號九天司命者萬物受生之真宰也九天
丈人者亦真景德之宗師也九天使者監御
萬靈之貴神巡察三界賞善罰惡之總司也
又九天鳳炁元丘太真書云太上丈人下授
五嶽君却禍除殃其中曰九天真王者伏千
神使衆靈又南唐降現真圖記稱使者真君
有五號一曰九天真王二曰朱陵上帝三曰
火鍊真人四曰南上真君五曰九天採訪使
者
上帝錫之七暎平華九德偃月金辰玉冠九

光紅霄飛雲金羅之帔曳紅霄碧觀海嶽之
 裳單衣羽襦朱霞霄袞紅玉霄裙六華銖衣
 躡元朱光之履飛紅單鳥執太元碧琳之圭
 瓊華翠簪佩九天採訪南上真君使者金冊
 九元之劔五帝伏魔之印九天真王之印採
 訪靈威攝邪之印授北極天帝五靈尊神吏
 兵天丁之印五百靈官五帝三官三河四海
 五嶽四瀆九江五湖十二河源漢女吏兵之
 印白鶴師子擁御青龍白虎護衛六丁六甲
 侍列左右九天仙女十二溪真陳奏樂部扶
 桑大帝陽谷神王太極真人以為副從上三
 皇時下降為九龍使者中三皇時為九都使
 者下三皇時為元都使者黃帝時為真元使
 者帝堯時為太清使者帝舜時為九疑使者
 大禹時為元夷倉水使者助禹治水成功周
 穆王時為天靈使者唐玄宗皇帝時為九天
 採訪使者九天在三十二天之上統九億萬
 諸天地人物應中國九州九星分野太
 一之數以定災福大小運派陽九百六之災
 臨諸分野各有天帝靈官主司也生化人物

大數甚多以九天配日月星宿照臨天下萬
 國九州八極十方世界天人祿壽算數貴賤
 能鎮生化之源者耶

太上真元无極大道玉皇尊帝太上老君高
 居九天下臨真化故命九天真王受朱陵上
 帝為使者威德備三清之法尊崇亞天帝之
 位採訪之權靈通應感著於聞見皆可考焉
 則知真王乃天中貴神所以分真宅靈下鎮
 洞天福地利澤邦家體虛皇以闡慈代昊天
 而示化累朝崇奉緝紳信禮士庶欽仰靈貺
 昭彰豈區區淫祀之比哉

見祥

元宗開元十九年二月十五日夜寢靈符啟
 夢神人仙仗甚威語帝曰吾是九天使者被
 受混元正真玉帝太上老君勅命採訪九天
 九地三界十方萬國九州八極內外觀察巡
 遊較定天人祿壽生靈罪福建立採訪總司
 九天司命真君開治舒州潛山九天丈人真
 君開治蜀郡青城山吾今開治江州廬山可
 於三山興置齋祠後五百年福及生靈言訖

而覺明日元宗宣諭群臣時宰相張說奏言
 陛下夢且當春或恐未審帝乃設案焚香至
 誠禱額須臾雲鶴仙仗森布舍元殿前第見
 使者乘青龍之車靈姿妙粹瑞相端妍帝為
 虔拜使者以左手約之特見五百靈官九江
 水帝十二溪真上清二十四位真人儀仗羅
 列百官瞻望乃詔真道士肖貌勅內供奉張
 奉國及法師張平公等齋像詣江州刺史
 獨孤正縣今魏昌建祠於廬山之陰

宅靈

本官係真君親擇勝地居廬山西北隅先是
 明皇遣使搜訪山水佳處莫知適從舊傳有
 居民陳氏所居平夷忽有道士踵門謂曰此
 地宜使者廟基汝蓋捨諸當獲靈佑陳曰願
 也第家貧不能遽遷耳道士曰吾為汝遷謹
 無費遷已汝身後為此方土地言畢而逝陳
 愕然是夜風雷大作及曉陳家千山之南庵
 矣今官之左有地主祠血食一方靈通昭著
 浚陽之義門陳氏即其後也官基正坐聖治
 峯前連引橫山在巽天醫之方自良臨震乃

得貪狼而歸玉兔生也天醫主極放生靈
生氣主長養萬物道家以迴骸起死為功以
度人濟物為行真君宅之亦宜坐乙向辛皆
合天心左右龍虎蜿蜒盤踞互相掛抱十有
二重應十二辰大溪自巽入乾復回坤地別
有小澗發源聖治峯歷千未與大水合四面
方位周流無間冬夏不涸宮前案山名遊魚
上水孤峙宮前有同朝禮外案自瑞昌縣排
列以至新黃二州環望數百里重疊如屏障
襟江帶湖如拱揖此宮也聖治峯特高於諸
峯左右群峯千巖萬壘為之輔翼南接虎溪
福地康真人道場葛仙翁鍊丹之井北跨詠
真洞天董真君種杏上昇之館後有呂仙翁
藥爐丹竈遺址存焉背抵五老峯倚天青壁
屏圍於外神人所居是豈偶然者哉

應真

初元宗夢見使者云建祠之處自有木植但
加工力而已及中使至得地于聖治峯前別
引橫山扶輿磅礴迤邐而下如頓萬馬基甫
定而巨木數萬隨水盆至隨用隨足工役之

興常有神光如畫力作忘倦旬月告成中使
復夢神人曰粉堊丹綠此地有之不待他求
鑿祠之北五色具備或云是材也昔九江王
布擬作宮殿之用沉埋湓浦以待今日吁異
哉祠西長廊在巨澗狀流之上水聲如瀑聞
於地中其祠號九天使者願元宗御蒙九天
使者之殿六字南唐昇元二年就祠改通元
府山前今有
本廟太平興國二年

太宗皇帝改為太平興國觀宣和六年

徽宗皇帝御筆改觀為宮

彭澤尉潘觀詳載其略云建祠之初雲
與有五不雨不風水怒濤漲移近山水
復仍舊一也丹粉雜色穴出崖生壯者
夫路廟用者必獲二也謝上之夕達宵風
雲笑香告祈俄頃雲收風息祭之日守
澄空會比良辰仙燈遙照三也彭澤津使
者廟汝載我當酬汝直使已各領五錢
宿閣之鏡乃成朕乃知鬼神速來欲禮見
斯瑞像以示於人四也使者願元宗御
史刻則取人或或木八廟之後處有數
事汗流麻衣五福其面山靈所發其汗交
流指驗具存人神區別五也凡此五
事前世罕聞刻石記之以傳來者

殿宇像設

九天採訪應元保運真君之殿神宗皇帝御
書後惟兵火

今乃王聖採訪居中左右侍立金童玉女靈
官各二六丁六甲各六殿內兩壁畫上清太
微二十四位真人殿外兩壁左畫十二溪真
右畫九江水帝三江水大王皆倣吳道子之本
相貌奇古精神奮動殿前左防觀右護法閣

下驛龍金虎大將殿之左翼三官大帝殿右
翼四聖真君殿主廊左有蓮藏榜曰瓊章寶
室于湖張孝祥集贈經五百二十八函計五
千二百八十七卷外九十九函未就禁聽
不肖頌降休右有天師堂榜曰正一之殿紹
興二十八年十月內恭奉

高宗皇帝特旨於採訪殿後勅建大殿專一
崇奉

皇帝御容本命賜名中福殿殿之右漳泉慈
濟真君殿殿之左三山澗靈澤龍王殿嘉泰
四年
殿封事 紹定五年勅三清寶閣中塑九皇御
座左脇樓九天丈人真君像右脇樓唐元宗
皇帝像嘉熙四年閏十二月內
理宗皇帝賜御書三清閣三天字脩廊左右
各二十五間左畫採訪真君自三皇五帝以
至于今降現異號右畫採訪真君自興置以

朕更分明不似昭陽夢中見千官瞻拜齊
呼急詔道子丹青圖泥封密札下江左千門
萬戶成須更擗橫直職康廬道驛使春秋奉
宸禱天香祝簡來九重黃柏題封皆御寶龍
樓鳳閣飛雲煙白晝往往巢神仙不知卜筮

歲月遠但見檜栢高參天年年八月蓮花會
奔走江淮貢金貝惟將正真壓妖氛豈止所
穰致豐歲碧瀾萬丈噴驚濤青嶂千疊翠岩
堯春雷駭烈蛟蜃變夜醮雜運星辰朝吁嗟
柱史非虛實故恐誕誇曲筆遂令瓊瑤失
所傳勝事奇蹤散遺逸嘗聞宣子夢鈞天屏
息七日方言還又聞漢武事方術蕙帳清夜
來嬋娟道方陳迹垂編策千古朝朝甚明白
矧茲休驗豈徒然指數年齡今五百上方至
德追唐虞阜堯稷契勤都俞九夷百越隨指
呼翰轉萬化歸神樞禎祥嘉瑞無時無坐見
和氣周綿區餘波流澤施豚魚信哉神語誠
非虛小臣齟齬無嘉謨目覩美應徒嗜嘯願
傳史筆令直書留示萬葉永永為休符

出本
官舊
記

廬山太平興國宮採訪真君事實卷之一

正一天師清微弟子 洪百堅 製作

道教學術資訊網站

廬山太平興國宮採訪真君事實卷之二 聖
宋朝崇奉類

春秋國醮

太平興國三年四月九日準勅江州

九天採訪使者可每年二月十五日八月十

五日係春秋兩節各致一祭當年七月初十

日江州申奏齋儀禮物開建道場三日滿散

設醮三百六十分青詞朱表係學士院降到

今本州永為定式三年郊祀禮畢遣中使齋

御名青詞朱表建道場五日設醮謝恩

維年月日

詞天子臣御謹以節屆仲秋遣某官於江州

廬山太平興國宮開啓秋祭

九天採訪應元保運妙化助順真君靈寶道

場三日兩夜滿散設醮三百六十分位以用

和天安地保國寧邦俯為天下生靈禳災祈

福謹上啓

九天採訪應元保運妙化助順真君伏以真

境粹清高穹香遶荷精誠之不息諒降鑒以